

夢樓詩集

一
函
六
冊

夢樓詩集卷十三

丹徒王文治禹卿

洮河集

乙未春爲關中之遊遂乘興至臨洮古今體詩共十六首

過商邱訪陳澂之八首

梁園不速客千里叩朱扉老馬衝寒走閒鷗任意飛江湖遊已遂雞黍約寧違欲識君情切迎門未整衣

南國詩騷藪東林鉤黨門文明於此闡氣節至今存城壓平原迥天低古木繁蒼茫千載意容易對牀論

過江如昨日倏忽越三年杖曳蓮峯雨詩揮海國烟孟韓原似駢李郭望如仙相送邗溝上雲帆暮杳然

投簪余最早君亦暫辭官正好依邨社相將把釣竿羈栖
生計拙貧賤歲時寬渾忘層霄路翱翔鷓鴣與鸞

兒女情偏摯依依出小樓抱孫君有福得壻我無憂臘酒
黃於染春蔬滑不留故交兼戚誼絮語夜難休

書畫千狐集封題七寶裝披尋嫌日短辨證願宵長北苑
畱真蹟元功接混茫家珍茲第一挂壁起虹光

年少疎狂興相逢解佩刀卽今霜雪色各已上顛毛紅燭
催銀管黃塵拂布袍惟君知我久憐我不成豪

足跡半天下中州今始過更須登華岳還復渡洮河春色
榆關迥秋雲隴首多來朝揮手別相望意如何

許汝道中

西來一百八長亭興廢中原此慣經汝水魚龍春浪迥許
都宮觀晚烟冥茸茸穉麥鋪新毯黯黯遙山染畫屏太史
宵分占象緯荒城何處草堂星

望嵩高山

千里中州始見山嵩高引領未能攀風塵面壁嫌遲暮貧
病休官是等閒五岳原期婚嫁後百年分老水雲間臨流
自愛蒼髯好不用靈苗遣駐顏

函谷關

兩山插雲霄一峯當門戶孤關扼其下百尺鑄局固鷹隼
飛却廻驂驪愁失步東來盡平衍至此訝無路入關途更
隘方軌恐難度強秦昔恃險要害於茲據一夫足嘆惜九

國况允豫由來得地利天意亦難迂清時罷泥封仙氣常
紫霧願受五千言嵩華躡芒屨

潼關

日出萬山東關壓大河上洪波莽洄潏積雪森滉漾戍樓
飛鳥驚雉堞孤雲傷氣若吞梁韓勢欲逼氏亢秦中天府
區鎖鑰信雄壯人代遞有遷山川屹相向漢唐征戰跡故
老何處訪策馬入關門風前一惆悵

華陰廟

先祖愛華山
之奇因卜居焉
下余居於清白
別墅考十年
後華陰廟改
白帝閼靈輿紫庭啓宏敞建基自何年歷代肅禋享雙闕
凌秋霞鳳樓挹朝爽洞門窈而深月墀迤以廣豐碑步檐
齊像設重堂朗皇居擬崇高神馭時恂悅繚繞萬喬林不

寺之殿余又服

初名中距先王

王廟之二子延年

雙鳳樓俱燬

于火前後傑

又祇大焉東軒

所謂通樁于堂

上奇後人不可

得見矣

可計尋丈攫拏風鏗韶蒼翠露凝沆逢逢禹鼎雲肅肅漢
宮仗盤根互抱戴接葉寄生長就中青牛樹瘦恠絕名象
或云化文梓山精逞妖罔或云柱史過於此憇征鞅摩挲
拂苔蘚懷古增慨想翻嫌漢唐近周秦一俯仰最後構傑
閣繡棋干霄上平視華三峯呼吸如答響層巒鬬奇險羅
立指諸掌憑檻爲開襟古青洗塵埃

登萬壽閣望華山

華岳天下奇巒岫逞百變三峯矗雲外茲閣當其面拱手
羣峭朝舒臂巨靈現落日蒸爲雲古雪積如練咫尺青蒼
飛倏忽紅紫眩其後枕大河玉帶繞秦甸混茫銀漢接一
氣誰能辨平生海山遊絕域迹頻踐河岳相磅礴壯觀特

未見安得臨絕頂真源尋討遍餐霞忘歸來冷然御風善

雪中過灞橋

雲裏春城玉屑鋪灞橋新柳綠如無青衫紅笠騎驢過牽
引吟身到畫圖

贈畢秋帆中丞

故人開府天西隅雲中鼓角搖旌旗荒江有客捫衣裾數
千里外脂柴車昔年並登白玉除揮毫對策神敷腴一日
聲聞傾京都公年方少余亦俱得暇相覓同追逋同輩諸
子才所儲周之簠簋殷六瑚高樓聽雨夜漏徂文戰不啻
操戈殳時復歡讌盡百觚絲豪竹脆歌烏烏青童侍傍玉
不如五載出入承明廬忽然天風起太虛星離雨散纔斯

須賢豪難聚信有諸自余出守蒙段區大羅仙人半索居
公亦銜命來馳驅玉關楊柳榆關榆公之雅量江海湖公
之清操霜雪孤公之惠政春雨蘇所部士民咸歡呼維

帝倚任心腹敷三秦天府授玉符我朝拓地二萬餘風
來霆往通輓輪公之指畫合聖謨士飽天庾馬飽芻曰

余休官臥菰蒲漁舟泛泛似野鳬足跡不向城府趨迫隘
欲使襟抱舒相思命駕輕長途公見狂喜掀吟鬚連宵召
我倒玉壺追敘往事爲歡娛憐我落拓汙泥塗竟欲以口
相煦濡自公鄉舉直中樞旋擢大科校秘書迄今巖疆揚
令譽惟公無改於厥初一貴一賤交態殊如公古誼近所
無噫吁嘻由來古誼近所無

平涼道中遇雪

隴頭三月雪客路始知艱
關塞含陰氣衣裘犯曉寒
草痕青復沒山勢白逾寬
迴憶鄉園裏鶯花半欲殘

甘草店見杏花

百里寒溫異單車道路賒
青嵐山上雪甘草店前花

題畢秋帆中丞靈巖讀書圖五首

靈巖山下館娃宮
羅綺笙歌醉晚風
不道千秋塵劫換
讀書聲在月明中

昔年同作上林遊
露滴紅梨對校讎
話到鄉園風景地
五湖烟雨入瀛洲

轅門雙列戟枝寒
風味仍將措大看
倦僕倚屏猶把卷
誰

言節度是粗官

萬峯寺曉湖波綠兩洞庭秋木葉黃偏是童時遊釣處直
教頭白也難忘

靈巖仙館主

甘時署後制府

移蘭州時署

廣法有官書局

附設于此時先祖

多子以存

多壽春于中

靈巖仙館中余

讀書處也有假

山有存也風景

琉璃千頃玉無塵愛煞靈巖浩蕩春一任郎君官貴後頭
銜還要署山人

秋帆自號
靈巖山人

方伯署齋試碧螺春新茶次韻一首茶產洞庭山

胡雲坡廉使所寄

鄉園五千里風景常回溯羈愁花合知離恨鶯能訴春遊
饒勝事遙羨欲成妒山塘原酒海洞庭亦茶庫譜豈君謨
編賜異子瞻顙龍井尙輿僮何論官與附
蘭州官設茶局
有官茶附茶之
名細蒞泣微雲嫩葉卷輕露嘉名錫碧螺小酌消饜餽臯

絕佳後光緒西
幸安置西太后
於此以仙字不妥
改爲山館並易
靈巖乃經南
續遂小爲存後
改爲地乃皆軍府
近乃決而名府然
後改建遠地早
已作馬廐矣
鎮洋有靈巖
山

蘭邊微地久被熙陽煦文明漸及肩物產難學步衙齋華
正華苔徑雨初雨朋儔旣簪盍卷軸還棋布茗會沸新泉
以代清暑賦淨淥注定甌纖塵不可汚炎天一入口有似
農逢澍遠道誰封題罷飲翻愕顧平生爲口忙獲此亦前
數初傾鍾乳滴久沃雀舌吐舊醅陋浮蛆白藥勝寒兔依
公忘逆旅亦復盼江樹歸家應採寄日暮呼春渡

題畫雜體詩五首

海棠

百舌學鳴鵲送喜瓊閣美人朝未起斬新幾點濕臙脂透
入碧紗簾幙裏游絲千尺搖晴空春光浸水天溶溶憑誰
爲向東皇說莫遣封姨掃紅雪

竹

楊柳無花也覺春竹枝清瘦倍宜人
新梢初展露華重一半欹斜向水濱

藕

郎愛藕花色儂愛藕根絲藕花有開落藕絲無盡時

蓮花

宿霧將收處朝光欲透時淥波梁帝賦初日謝侯詩白鳥
立還去朱闌影不移西湖西畔路十里香風吹

雁來紅

塞上舊聞紫凝

去

霜華新染紅肥依稀金谷春艷閃燥東

籬夕暉冠劍丁年蘇武旃裘辛苦明妃誰念清秋隴外征

鴻聲裏思歸

臯蘭秋望

長城廻繞大河遙
莽莽雲天正次寥
絕塞尙傳秦郡縣
奇功曾識漢嫖姚
征鴻中夜霜千里
牧馬西風柳萬條
羌管莫吹離別曲
江南詞客鬢全凋

秋九月雪後懷伊霄山員外侍其尊甫信亭總制
之西寧

馬首點微雪
征人意若何
陝關寒色早
湟岸夕陽多
元老勤綏遠
吾皇重止戈
歸期聞已近
渺渺望長河

杜甫趨庭日
陳琳倚馬才
山連沙磧迥
日傍大旗開
離索閒歌板
登臨憶酒杯
瓊牕新月下
親待掃睂來

香山新納姬人

白雪樓看紅葉蘭州紅葉皆梨樹所成樓前梨樹最多故紅葉盛焉

梨花帶雨白梨樹被霜紅春暖攢晴雪秋清染晚風河橋

疎柳外山寺夕陽中烏柏錢塘岸千林訝許同

錢塘江上紅葉最盛

皆烏柏樹也

過策筠亭都督署齋畱飲遇雪同景抑菴二首

偶來西鎮將軍第却似東籬處士家滴露靜撫新獲帖傲

霜猶有未殘花杯傾柏葉初嘗酒鑪響松風自煮茶話到

江鄉最佳處紙窗紅日漸西斜

抑菴生於潤州道鄉俗最悉

忽然天半匝層陰六出橫飛蔽遠岑著樹盡成名畫本灑
牕微中古琴音知君未易逢佳客卽景偏能稱野心試把

夢杳言集 卷三
一樽憑檻坐乍寒風味引清吟

河橋

萬里河源瀉大荒橫空忽此架飛梁天教絕域通琛貢地
自中原拓版章百雉秋高臨岸迥蒼龍日落臥雲長奔流
遙想東歸海一線銀濤接混茫

得宋小巖書却寄

雁度天山月向低河源高與野雲齊尙勞朝士殷勤問知
我飄零在隴西

冬日陳秋槎以詩見柬晚步雷壇次韻答之

朔雲凍合大河寒重疊衣裘尙覺單覓得清癯好詩料
暝烟斜日上雷壇

哈密瓜

果中有離支瓜中有哈密前朝版圖臨佳產何從悉

蓮花菜

菜根好滋味滑膩欲膠牙朝來再三嚼口吐青蓮華

青嵐山與陳秋槎話別

一月青嵐雪未消相逢俱未拂征袍天涯誰耐銷魂別逆
旅權爲對酒豪歸夢遠縈湘水碧孤城橫壓塞雲高循良
會有承恩地珍重君家舊鳳毛

涇州道中杏花

晨起陰雲合徐徐透日光杏花紅復白故故傷垂楊密蕊
全遮屋高枝半出墻征衣未忍拂曾惹暗塵香

途過平涼嵇暉軒學使方局院試士未獲通謁承
晴軒以詩見投次日畱飲別後次韻却寄

罷郡以來汗漫遊十載歲月如波流爲向關中訪故舊乘
興又復踰隴頭君持使節先至此岐塗欲見嗟末由今春
東歸過涼邑君方鎖院兵衛周海風縹緲隔蓬闥星漢清
淺阻女牛彩雲飛墮廿八字艷於春卉清於秋翼日白袍
立鵠散舉杯深夜招羊求論文話舊乃真樂外此瑣瑣皆
蚍蜉爾時風利不得泊直欲傾倒于玉舟明朝病酒亦不
惡懷人且喜渴疾瘳

邠州

束髮誦邠詩如入化人國只疑淳古風縹緲不可卽豈知